

De Nederlandse versie van deze brochure kunt u downloaden via de website www.impuesto.aw.

Bo ta un empleado y bo no ta paga un cobranza di belasting?

DEFINITIEVE AANSLAG inkomstenbelasting



E ora Departamento di Impuesto lo tuma medida. Cua eseiinan ta? Kico bo por spera? Bo por warda un poco pa haci pago? Bo a ricibi un *aanmaning*? Bo doño di trabou por retene salario? Den e foyeto aki bo ta haya contesta riba e preguntanan aki.

Departamento di Impuesto

Camacuri 2
Oranjestad, Aruba
Tel. 522-7423
Fax 522-7429
Website: www.impuesto.aw
E-mail: info@impuesto.aw

Aruba 2015

1. Introduccion

Si bo mester paga un cobranza di belasting, bo mester haci esaki dentro di e termino stipula pa lei. Sinembargo por sosode cu:

- *bo no por paga na tempo*. E ora bo por entrega un peticion pa un areglo di pago. Lesa mas di esaki den e foyeto 'Bo no por paga un cobranza di belasting na tempo?'
- *bo no ta di acuerdo cu e cobranza di belasting*. E ora bo por entrega un carta di obhecion. Bo por lesa mas di esaki den e foyeto 'Bo no ta di acuerdo cu un cobranza di belasting?'

Si e situacionnan menciona ariba no ta conta pa bo y siendo un empleado bo no ta paga bo cobranza di belasting, e ora Departamento di Impuesto ta tuma medida pa procura cu ainda bo ta paga bo cobranza. En todo caso esaki ta nifica cu bo mester paga interes riba e suma di bo cobranza di belasting, desde e momento cu e ultimo fecha di pago a pasa. Esaki ta e asina yama 'inverderingsrente'.

Ademas bo ta ricibi un *aanmaning*. Lesa mas di esaki den capitulo 2. Si ainda bo no paga despues cu bo a ricibi un *aanmaning*, bo doño di trabou ta ricibi un ordo di retencion riba salario. Den capitulo 3 ta para: kico esaki ta y cua ta e consecuencianan cu esaki tin pa bo.

2. Si bo no paga bo cobranza di belasting: bo ta ricibi un *aanmaning*

Si riba e ultimo fecha di pago stipula pa lei, ainda bo no a paga bo cobranza di belasting, bo ta ricibi un *aanmaning* di Departamento di Impuesto. Den e *aanmaning* Departamento di Impuesto ta recorda bo cu ainda bo no a paga bo cobranza di belasting y ta pidi bo haci e pago ainda dentro di un luna. E fecha riba cual bo mester haci pago ta para den e *aanmaning*.

Kico bo mester paga si bo ricibi un *aanmaning*?

Aparte di e debe di belasting y e interes (*inverderingsrente*), bo mester paga tambe e gastonan di e *aanmaning*.

Unda bo por paga?

Bo por paga na Departamento di Impuesto na Camacuri 2 of na e Oficinanan di Gobierno (den districto). Bo por paga tambe via banco.

3. Bo no a paga despues di e *aanmaning*: bo doño di trabou ta ricibi un ordo di retencion riba salario

Si tampoco despues di e *aanmaning* bo no a paga bo debe di belasting, Departamento di Impuesto ta bai cobra bo debe di belasting cerca bo doño di trabou. E ora bo doño di trabou ta ricibi un ordo di retencion riba salario (*loonvordering*). Esaki ta nifica cu bo doño di trabou ta obliga di retene un parti di bo salario y paga esaki na Departamento di Impuesto.

Pa cua debe di belasting Departamento di Impuesto por manda un ordo di retencion riba salario pa bo doño di trabou?

Segun lei, Departamento di Impuesto por manda un doño di trabou un ordo di retencion riba salario pa tur tipo di debe di belasting. No obstante den practica esaki tawata sosode solamente pa debe di *inkomstenbelasting*. Sinembargo entrante 1 di januari 2008, Departamento di Impuesto ta bai manda tur doño di trabou un ordo di retencion riba salario di e empleadonan pa tur tipo di debe di belasting, prima di seguro social y erfpacht.

Ki suma bo doño di trabou ta retene na salario?

Den e ordo di retencion riba salario cu bo doño di trabou ta ricibi, ta para e suma total cu e mester retene di bo salario. E suma cu bo doño di trabou por retene

Departamento di Impuesto ta manda tur doño di trabou un ordo di retencion riba salario pa tur tipo di debe di belasting.

pa cada pago di salario ta maximalmente un tercera parti di bo salario netto. Un pago particular manera *vakantie-uitkering*, compensacion pa *overtime* y gratificacion tambe ta pertenece na salario. Si e suma reteni ta causa dificultad financiero serio pa bo, bo por entrega un peticion pa un areglo di pago cu un splicacion di e motibonan. Bo mester entrega e peticion aki na Departamento di Impuesto. Den caso cu Departamento di Impuesto honra bo peticion, bo doño di trabou ta ricibi un notificacion di esaki.

Desde ki momento bo doño di trabou ta retene salario y pa cuanto tempo?

Bo doño di trabou lo retene e suma menciona den e ordo di retencion for di bo salario, cuminsando cu e pago di salario cu ta sigui despues di a ricibi e ordo di retencion.

In principio bo doño di trabou lo keda retene salario te ora bo debe di belasting, inclui e gastonan extra y interes, ta paga completamente.

4. Pa finalisa

Den e foyeto aki bo a haya informacion general di e consecuencianan pa bo como un empleado ora cu bo no paga un cobranza di belasting. Si ainda bo tin pregunta, e ora bo por yama of acudi na servicio pa cliente na Departamento di Impuesto na Camacuri 2 of na Oficina di Gobierno na San Nicolas.

Number di telefon na Camacuri 2 : 522-7423

Number di telefon na San Nicolas : 584-5507